



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De illis qui quando luna obscuratur clamores suos, & maleficia sua
exercuerint. xxxiii.

urn:nbn:de:hbz:466:1-10722

candalam seu quodlibet munus deferat , veluti ibi quod-
dam aumen sit, quod bonum aut malum possit inferre.

De illis qui quando Luna obscuratur, clamores suos
& maleficia sua exercuerint. Cap. XXXIII

Vicunq; exercuerint hoc quando Luna obscuratur, Ex cōcil.
Q ut cum clamorib^o suis ac maleficiis & sacrilego v̄su Arelatē.
ie posse defendere credant , & quicunq; diuinis cap. 5.
præcātatores, phylacteria etiam diabolica , vel cara cteres
diabolicos , vel herbas , vel sucos , suis vel sibi impendere
tentauerint, vel quintā feriā in honorē Iouis, vel Calen. Ia-
nua. secundum paganā consuetudinem honorare præsum-
perit, monachus V. clericus IIII. laicus II. annos pœnitentia.

De illis qui vanitates suas in excubius exercuerint.

Caput XXXIIII.

Aici qui excubias funeris obseruant, cū timore & tre- Ex codē
more & reverentia hoc faciant. Nullus ibi præsumat cap. 3.
diabolica carmina cantare, non ioca & saltationes facere,
qua pagani diabolo docente adinuenerūt. Quis enim ne-
sciat diabolicum esse, & non solū à religione Christiana
alienum, sed etiam humanæ naturæ esse contrarium , ibi
lætari, cantari, ineibriari, & cachinnis ora dissolui, & omni
pietate, & affectu charitatis postposito , quasi de fraterna
morte exultare , vbi luctus & planctus flebilibus vocibus
debuerat resonare pro amissione chari fratris? Patres si-
quidem veteris ac noui testamenti, mortes sanctorum vi-
torum legimus multis in locis cum fletu deplorasse: in nul-
lo autem loco qui à seculo recesserant exultasse. Nam &
Iacob patriarcham fleuit tota Aegyptus LXX. diebus. Et
Ioseph , & fratres eius cum patrem deferrent in terram
Chanaam ad sepeliendum, celebrantes exquias ad aream
Athael, quæ sita est trans Iordanem, planctu magno atque
vehementi impleuerunt. VII. dies. Tantus autem fuit plā-
ctus, vt locus inde nomen acciperet. Et de beato Stephano
legimus, quod sepelierunt eum, siue curauerunt viri ti-
morati, & fecerunt planctum magnum super eum. Et ideo
talis inepta lætitia & pestifera cantica, ex autoritate Dei
interdicenda sunt. Si quis autem canat, desiderat: Kyrie-
leeson cantet, sin aliter, omnino taceat. Sin autem tacere
non vult , in crastino à presbytero taliter coērceatur , vt
ceteri timeant.